

**Uunga siunnersuut: Radiukkut tv-kkullu aallakaatitsisarneq pillugu Inatsisartut
Inatsisaata**

allanngortinneqarnera pillugu Inatsisartut Inatsisaat.

*Ilinniartitaanermut, Kultureqarnermut, Timersornermut Ilageeqarnermullu
Naalakkersuisumit saqqummiunneqartoq*

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

siunnersuutip pingajussaaneernejarneranut

TAPILIUSSATUT ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq
Inatsisartunut ilaasortaq Nivi Olsen, Demokraatit, siulittaasup tullia
Inatsisartunut ilaasortaq Lars Poulsen, Siumut
Inatsisartunut ilaasortaq Mariia Simonsen, Inuit Ataqtigiit
Inatsisartunut ilaasortaq Eqaluk Høegh, Inuit Ataqtigiit

UKA2022-mi ulloq 25. oktober aappassaaneerinninnerup kingorna Naleqqap kissaateqarnera malillugu immikkoortoq ataatsimiititaliamut suliareqqitassanngortillugu innersuussutigineqaqqippoq.

Ataatsimiititaliap siunnersuummik suliarinninnera

Siunnersuutip aappassaaneernejarnerani Ataatsimiititaliamut kaammattuutigineqarpoq siunnersuut suliareqqinneqassasoq, tassunga tapiliussamik isumaliutissiissummi sinerissami sumiiffimmi nutaarsiassat qulakkeernejarnissaat kiisalu assersuutigalugu nalliuttuni naalagiartitsinerit tv-kkut aallakaatinneqartarnissaannut periarfissat pillugit oqallinnerup ilanngunneqarnissaa innersuussutigineqarluni..

Siunnersuutip inersuarmi suliarineqarnerani KNR-imut sinaakkutit pitsanngorsarneqartariaqartut, taamaalilluni nutaarsiassaqaqtitsineq siammasinnerusoq qulakkeernejarniassammat, partiit arlallit uparuaarat ataatsimiititaliap maluginiarpaa. Kiisalu sinaakkutinik qulakkeerinnittoqassasoq taamaalilluni KNR aallakaatitassionnermi imarisassanik nutaanik attuumassutilinnillu tunniussisinnaalerniassammat.

Taamaattumik nunat immikkoortuini nutaarsiassiisernerup amigaataanera pillugu partiit arlallit isorinninnerat ataatsimiititaliamit eqqumaffiginiarneqarpoq, kiisalu tamassuma KNR eqqornerlukkaa. Tamannali siunnersuutip saqqummiunneqartup sinaakkutissaanut attuumassuteqanngilaq. Taamaakkaluartoq oqallinneq pingaarutilittut attuumassuteqartutullu ataatsimiititaliamit isigineqarpoq taamaattumillu naammassinninnissamut isumaqatigiissut nutaaq pillugu isumaqatiginninniarnert aallartilerpata tamanna Naalakkersuisunit eqqumaffiginiarneqassasoq ataatsimiititaliamit kaammattuutigineqarpoq.

Siunnersuut akuerineqareerpat KNR-imi naalagiertitsinerit allallu suli aallakaatinneqartassanersut apeqquaqarfigineqarsimasoq ataatsimiititaliamit maluginiarneqarpoq. Siunnersuummi aalajangersakkani ataasiakkaani inatsimmut oqaaseqaatini ima allaqqasoqartoq ataatsimiititaliamit paasineqarpoq:

”Tamatumani saniatigut matumani nassuernerit pineqarsinnaapput, taakkulu massakut naalakkersuinikkut oqallinnermi akulerutsitsiniarnermi aammalu inuiaqatigiinni tunngasunut aalajangersimasunut tunngatillugu isumaqatigiinngitsoqarnerani isummat aalajangersimasut siuarsarniarneqarsinnaapput nersorniarneqarsinnaallutillu.”


Ataatsimiititaliap inassuteqaatai

- Ataatsimiititaliap isumaqatigiittup siunnersuut akuerisassanngortippaa
- Ataatsimiititaliap isumaqatigiittup Naalakkersuisunut kaammattuutigaa:
 - Tusagassiorfinnut naammassinninnissamut isumaqatigiissut nutaaq pillugu isumaqatiginninniarnert sinaakkusersorneqarnerani nunap immikkoortuini siammasissumik nutaarsiassanik, tusagassiornernik allanillu KNR-ip aallakaatitassiornerani siammasissumik suliaqartoqartarnissaa qulakkeerneqassasoq

Taama oqaaseqarluni isumaliutissiissummilu allassimasunut paasinnilluni ataatsimiitaliap siunnersuut pingajussaaniigassanngortippaa.



Nivi Olsen
Siulittaasup tullia



Lars Poulsen

Doris Jakobsen Jensen
Siulittaasoq



Eqaluk Høegh



Mariia Simonsen

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut pingajussaaniigassanngortippaa.



Doris Jakobsen Jensen
Siulittaasoq

Nivi Olsen
Siulittaasup tullia

Eqaluk Høegh

Lars Poulsen

Mariia Simonsen